



## **Uani qinigaaffimmi Ilulissani GUX-imik pilersitsinissamut suliaqarnissamik Naalakkersuisut peqquneqarnissaannik Inatsisartunut aaliangiiffigisassatut siunnersuut.**

(Inatsisartunut ilaasortaq Nivi Olsen, Demokraatit)

### **Siullermeernera**

Uani qinigaaffimmi Ilulissani GUX-eqalernissaanut sulissuteqarnissamik Naalakkersuisut peqquneqarnissaannik Inatsisartut aaliangiiffigisassatut siunnersuuteqartoq Nivi Olsen Demokratineersoq Naleqqamiit siunnersuuteqarneranut qutsavigiserusupparput.

Nivi Olsen Demokratineersoq Naleqqamiit siunnersuuteqarnermini toqqammavilersuutai ilanngullugit tunngaviatigut paasisinnaalluarpagut, Ilulissani GUX-eqartariaqarneranik pitsaaqutai qaqqiligai assortoruminaapput.

Taamatullu oqareerluta nalilersuisimanerit assigiinngitsut Naleqqamiit oqimaalutarlugit tulleriaarinermilu periarfissat eqqartuiffigisimavagut.

Qinigaaffimmi uani Ilulissani GUX-imik pilersititsinissamut suliaqarnissamik Naalakkersuisut peqquneqarnissannik piumasaqarneq isumaqarpugut tulleriaarineq eqqarsaatigalugu pilersinniarnissaanut siunnersuut piviusorsiorluunngitsuq.

Piviusorsiorluta tulleriaarisariaqarneq toqqammavilersuutigisarpur neriuppunga paasineqassasoq, tassami maannakkut inuiaqatigiit Kalaallit nunatsinni killiffeqarnerput eqqarsaatigalugu alloriaqqinnissatsinni nassuerutigisariaqarparput unamminartorpassuarnik suliassaqartugut ilaatigut qinersiviup siuliani aningaasartaqanngitsumik aaliangersaasimanerit aningaasartaqartinnissai eqqarsaatigalugit, taamaammatt aqqiinerit allat atorlugit Naalakkersuisut Ilulissani ilaatigut silaannaap aallanngoriartorneranik tunngasumik ilinniarfeqalernissaq siunnerfigisaat Naleqqamiit uagut soqutinaateqartipparput pioreersut Aasianni inerisaaqqinnikkut ilanngullugit nukittorsaaviginerat iluatigineruarput.



Taamaammat Ippassaq oqallinnitsinni GUX Ilulissani pilersinneqarsinnaanerannut misissueqqusinerigaluamut allannguutissatut siunnersuut Inatsisartuni amerlanerussuteqarluta katersuuffigisarput innersuukkusunnarpoq uani aaliangiiiffigisassatut siunnersuummut anilliarfissatut atussallugu.

Taamatut oqaaseqarluta Naalakkersuisut akissuteqaataat ilalerlutigu siunnersuut oqaaseqateqarfigaarput.